

# Aalisakkanik uillunillu uumasunik il.il. aammalu saniatigut pisarisanik taakkunangalu tunisassiarineqartunik killeqarfimmi nakkutilliinerit akeqartinneqalernissaat pillugu Kalaallit Nunaanni atuutilersitsinissamik nalunaarut

Kalaallit Nunaannut nerisassanik nioqqutissiornermut il.il. atatillugu peqqussut nr. 523, juni 8 2004-imeersumi § 53, imm. 2 naapertorlugu atuutilersitsinissamut aammalu uumasut napparsimasut tunillatsissimasullu pillugit peqqussut nr. 524-imi § 33, imm. 2 naapertorlugit, avatangiisinut nerisassanillu tunisassiornermut atatillugu ministerip aqutarisaasa iluini piginnaatitsissut § 3, imm. 1 aamma 2 naapertorlugit, aalajangerneqarpoq:

**§ 1.** Peqqussummi matumani pineqarput killeqarfimmi nakkutilliinerit atatillugu aalisakkanik nioqqutissiat uillullu uumasut il.il. kiisalu saniatigut pisarineqartut aammalu taakku tunngavigalugit tunisassiat, akunnikkallsinneqartut imal. nunamit pingajuusumit usilersuutigineqarsimasut misissornerinut atatillugu akiliuteqartarnissaq.

**§ 2.** Nalunaarummi matumani allassimasut imatut paasineqassapput:

- 1) Aalisakkanik nioqqutissiat: Imaani tarajoqanngitsumilu uumasuusut (taamaallat pinnagit uillut uumasut il.il. kiisalu miluumasut suulluunniit, uumasut paarngortut naratsillu), nujuartatut imal. tukertitatut uomasuunerat apeqqutaatinnagu aammalu qanorluunniit nerineqartaraluarpata, uumasup suatunngaaneersuugaluarpata aammalu uumasunit taaneqartunit tunisassiaasut suugaluarpataluunniit.
- 2) Uillut il.il.: uummasut matusartunik (qaleriinnik) qaleruallit, imaani uumasut kapinartunik qaallit, imaani uumasut ujaqqanut qeqqussanullu nipunngasut aammalu imaani siuteqqut.
- 3) Matusartunik qaleruallit: soorlu Lamellibranchiata-nik taaneqartartut, nerisaminnik iitinnagit sorujuaasartut.
- 4) Nuna niueqatigisaq: Nuna EU-mi ilaasortaasooq, Kalaallit Nunaat, Norge, Island, Liechtenstein, Andorra, Savalimmiut aamma Schweiz. Nunat taakku ataatsimut nunatut niueqatigisatut taaneqartarput. Nunalli makku taamatut taasanut ilaanngillat:
  - a) Ceuta aamma Melilla Spaniap kunngeqarfiata ataani ittut.
  - b) Frankrigip avataani ittut aammalu naalakkersuisoqarfiit.
- 5) Nunat pingajuusut: Nunat niueqatigiiffiusup avataani ittut.

**§ 3.** Aalisakkanik tunisassianik uillunillu uumasunik il.il. nerisassatut nunanit pingajuusunit eqqunneqartut killeqarfimmi nakkutilliinerit atatillugu tonsimut ataatsimut kr. 99-inik nakkutilliinerimik ingerlatsinerit akiliisassapput.

*Imm. 2.* Imm. 1-imi aalisakkanik tunisassiat uillullu uumasut containeriniitillugit eqqunneqartut pineqartillugit, tonsimut ataatsimut akiliut kr. 25-iussaaq.

**§ 4.** Aalisakkatut nioqqutissiat uillullu uumasut il.il. saniatigut pisarisat tamakkunangalu tunisassiaasut aalajangersimasumik kr. 246,-nik akiliuteqartinneqartassapput qaavatigullu misissuinerit atatillugu minutsit 15-it aallartinnerinut tamanut ataasiakkaanut kr. 370,-it akilerneqartassallutik.

**§ 5.** Akunninnermi imal. aalisakkanik tunisassianik uillunillu uumasunik il. il. nerisassanik saniatigullu pisanik taakkunangalu tunisassiaasunik allamut usilersuinerit atatillugu aaliangersimasumik akiliutissap kr. 246,-niusup qaavatigut misissuinerit atatillugu minutsit 15-it aallartinnerinut tamanut aallartinneqartunut kr. 370,-it akilerneqartassallutik.

§ 6. §§ 3 aamma 4 aamma atorneqassapput akitsuuserisoqarfinit, frizonet lageriinit aammalu umiarsuarnik taquassalerinermik suliffeqarfinit nunanit pingajuusunit tunisassianik eqqussisoqarlunilu aallarussisoqartillugu.

§ 7. Nunanit, sumiiffinit imal. suliffeqarfinit, EU-mit malittarisassiat naapertorlugit akuerisaasunit, aalisakkanik nioqqutissianik aammalu uillunik uumasunik il.il kiisalu saniatigut pisanik taakkunangalu tunisassiasunik laboratoriani misissorneqarlutik nalilersugaasut pineqartillugit, laboratorianut misissuisinniakkanut nassiussinernut misissuinemullu akit akilerneqartassapput.

§ 8. Killeqarfinni misissuinerit misissuisitsiumasup inissisimanera peqqutigalugu ingerlanneqarlutik naammassineqarsinnaatinnagit, akiliisoqassaaq tunngaviusumik akiliummik min. 15-it 8-t akiinik ilassusiilluni, tak. §4-mi akit allattorsimasut.

§ 9. Misissuinerit atatillugu isumaginninnermut aammalu taamaattoqarpit tunisassianik uninngati-tsinermut aningaasartuutit Fødevarestyrelsemit susassaqaarfigineqanngillat.

§ 10. Nalunaarut atuutilissaaq 1.juli 2023 ulloralugu.

*Imm. 2.* Aalisakkanik nioqqutissianik, uillunik uumasunik il.il kiisalu saniatigut pisanik tamakkunangalu tunisassianik eqqussinermut atatillugu Kalaallit Nunaannut atuuttumik killeqarfinni misissuinerit akiliisarnerit pillugit nalunaarut nr. 516, 16. maj 2023-imeersoq atorunnaarpoq.